


SAMIA MAILO, HAMAFISO NY FIAROVANA

Mety hiditra anio alina eto amintsika ny rivodoza Freddy

Samia mailo, hamafiso ny fiarovana, mety hiditra anio alina eto amintsika ny rivodoza Freddy. Rivodoza matanjaka (Cyclone Tropical Intense) ity rivomahery ity, miaraka amin'ny rivotra manodidina ny 210 km/h sy tafiotra 300 km/h any ho any. Tany amin'ny 1000 km atsinanan'i Toamasina no nisy ny foibeny omaly ary mizotra miakandrefana hatrany. Vina-vinaina hiditra an-tanety eo anelanelan'i Vatoman-dry, Mahanoro, Nosy Vavrika, Mananjary sy Manakara anio talata alina i Freddy. Noho izay antony izay, miato ny fampianarana rehetra ao anatin'ny faritra Atsinanana hanomboka anio talata. Amin'ny alatsinainy heriny vao hitohy ny fampianarana. Mitsahatra ihany koa ny fifamoivoizan' ireo Taksibrosy mampitohy an'i Toamasina, Vatoman-dry, Mahanoro aorian'ny anio talata amin'ny 12ora atoandro mandrapito-



nian'ny toetrandro. Hikija ny rotsakorana (hihoatra ny 180 mm), hahery be na hisamboaravoara ny ranomasina (hihoatra ny 10 metatra) ary ahiana mafy ny fiakaran'ny ranomasina indrindra manamorona ny faritra hidirany an-tanety. Filazana fanairana miloko maitso : Analanjirofo, Atsimo Atsinanana, Alaotra, Analamanga, Itasy, Vakinankaratra, Amoron'i Mania, Matsiatra Ambony, Iho-

rombe, Menabe, Ny distrikan'i Beroroha, Ankazobo, Sakaraha, Morombe ary Toliara I-II. Araka izany dia iangaviana ireto faritra ireto mba hanamafy ny fiomanana ka hampihatra ny fepetra mikasika ny filazana loza manambana miloko mavo : Atsinanana, Vato-vavy, Fitovinany langaviana ny mpampiasa ranomasina manomboka any Sambava ka hatrany Cap Ste Marie,

mba tsy hiandriaka intsony manomboka ny alatsinainy alina, satria hiharatsy ny toetry ny andro nohon'ny alondrano izay haterak'i Freddy. Entanina ny rehetra, mba hanaraka akaiky ny ho fivoaran'ity rivodoza ity ary hanaraka mandrakariva, ny toromarika omen'ny manam-pahefana isan-tonkony. Namely mafy ny tatsy amin'ny Nosy Maorisy ity rivodoza ity omaly.

Niaina

Tranga mampalehelo tany Mahajanga

Baolina kitra niafara tamin'ny doro trano, mpianatra maro naratra

Tranga mampalahelo no niseho tany Mahajanga faritra Boeny ny alahady hariva teo, niafara tamin'ny doro trano ny lalao baolina kitra nataon'ny mpianatra tany an-toerana. Tao amin'ny Campus Ambondrona, Oniversite Mahajanga : may tanteraka ny bloc 22 misy ireo mpianatra avy ao Analalava. Kila tao ny entana rehetra, fitaovampianarana ary ny diplaoma ho an'ny sasany. Raha ny vaovao voaray dia disadisa taorian'ny lalao baolina kitra nihan-nan'ny mpianatra avy any Analalava sy Bealanana



Tranon'ny mpianatra may tany Mahajanga.

samy avy any amin'ny faritra Sofia, no niantombohan'ny adin'ireo mpianatra. Nafana ny fo ka ni-

fampitora-bato ary niafara tamin'izao tranga izao. Tsy ny fananana iombonana sy ny fananana manokana ihany no rava sy potika, fa maro koa ny mpianatra naratra na ny andaniny na ny ankilany. Miantso ny hanokafana fanadihadina mikasika izao tranga famotehana fananana iombonana, sy fifandrastrana izao ny Ministan'ny Fampianarana Ambony sy Fikarohana Ara-Tsiansa. Na inona olana, tsy mety ny fandrahana fananana iombonana, sy fananan'olon-tsotra toy izao nitranga izao.

Stefa

Lalaon'ny Nosy 2023

Tonga any Chine ny andiany voalohany amin'ireo atleta hiofana any

Tonga soa amantsara any Chine tamin'ny sabotsy teo, ireo andiany voalohany amin'ny atleta Malagasy, hisitraka fiofanana mahakasika ny fampivondronana iraisam-pirenena, ho fanomanana ny

lalaon'ny Nosy andiany faha-11, izay ho tanterahina eto amintsika miin'ity taona ity, ka atleta niisa 15 avy amin'ny taranja Atletisma, 14 avy amin'ny taranja Atletisma, 14 avy amin'ny taranja Haltérophilie, miampy mpanazatra iray

avy ary tompon'andraikitra ara-taratasy 1 no tao anatin'izany.. Taranja 4: Atletisma, Haltérophilie Badminton ary Tennis de Table, izay ahitana atleta miisa 45 no hisitraka an'zany fampivondronana

izany, fiaraha- miasa teo amin'ny Governemanta Sinoa (15 avy amin'ny taranja Atletisma, 14 avy amin'ny taranja Haltérophilie, 8 avy amin'ny taranja Badminton ary 8 avy amin'ny taranja Tennis de table miampy mpanazatra iray avy ary tompon'andraikitra ara-taratasy 1 no mandrafitra ny delegasiona Malagasy any Chine. Marihana fa nisy ny fampitaovana azy 51 manadaha, izany nahitana fanamiana isan-karazany: " tennis, sac de voyage, sacs à dos".

Rainilita



Ireo delegasiôna tonga any Chine.

Jean Nirina Rafanomezantsoa

Malagasy ny fitsaboana nentim-paharazana fa tsy internationale

Nitafa tamin'ny mpanao gazety tao amin'ny foiben-toeran'ny FITRAMA, tao amin'ny 67 ha ny filoha tale jeneraly ny FITRAMA, Jean Nirina Rafanomezantsoa ny faran'ny herinandro teo. Nambarany tamin'izany, fa manana ny toerana maha izy azy ny fitsaboana nentim-paharazana eto amin'ny firenena ankehitriny. Be-tsaka no efa nahazo tombontsoa sitrana tamin'ny alalan'izany, ka sarotiny izahay hoy Jean Nirina Rafanomezantsoa, satria tsy natao hisolokiana fa natao hanome fahasalamana ho an'ny mpiara-belona. Tokony ho entina amin'ny sehatra ambony eto amin'ny firenena hoy izy, ka hanaraka ny didy aman-dalana sy ny fitsipika misy. Misy rafitra lehibe mifehy ny fampiroboroboana mpitsabo nentim-paharazana dia ny MTN izany. Mahitsy aho miteny hoy izy, fa ny mpitsabo nentim-paharazana Malagasy dia tsy mety ho mpitsabo internationale izany.

Manoloana izany indrindra dia hamerina sy hampianatra ary hampiditra mpiasa vaovao, mikasika ny fitsaboana nentim-paharazana izahay eto amin'ny FITRAMA, satria marobe ireo fangatahana manerana an'i Madagasikara. Io dia eo amin'ny 2 volana ka hatramin'ny 3 volana, no hanao ny fiofanana, ka tanora 18 taona no ho miakatra tsy manambady manana toetsaina tia tanindrazana sy vonona hampiroborobo ny fitsaboana nentim-paharazana, no miditra amin'izany. Fanandrata ny maha Malagasy no nataonay teto amin'ny Fitrana hoy ny filoha tale jeneraly, Jean Nirina Rafanomezantsoa, ka izay no mahatonga anay hanao fizaham-pahasalamana maimaimpoana: consultation gratuite isaky ny sabotsy sy alahady, ahafahana manampy ny mpiara-belona. Tsy misy hery miafina ny fitsaboana eto amin'ny FITRAMA, na mazia fa fitsaboana amin'ny alalan'ny hotra, zavamaniry ary sakafo. Ireo zavatra ireo no natiora ahafahana mitsabo ny olona iray. Mikasika izay dia tsy maintsy hatrehina ny tontolo iainana, satria miankina amin'ny tontolon'ny natiora toy ny rivotra, ny masoandro ary ny zavaboahary, izay fanafody fitsaboana sy filain'ny vatan'ny olombelona. Ireo olona omena fiofanana dia tsy voatery hiasa amin'ny FITRAMA hoy Jean Nirina, fa afaka ampiasaina tsara ho an'ny mpiara-belona aminy ny fiofanana sy fampianarana omena azy.

Helisoa



Ny filoha tale jeneralin'ny Fitrana, Jean Nirina Rafanomezantsoa.

Championnat rugby XXL Energy Top 20

Rava tsy lera ny lalaon'ny Cosfa sy ny FTM Manjakaray

Rava tsy lera, teo amin'ny fanombohan'ny fidirana faharoa, ny lalao farany nifanandrian'ny Cosfa Miaramila sy ny FTM Manjakaray, teo amin'ny hetsika rugby fanokafana ny "Championnat 2023 XXL Energy Top20", natao teny amin'ny kianja kianja Makis Andohatopenaka, tamin'ny alahady 19 febroary 2023 lasa teo. Noho ny fanoherana ny fanapahan-kevitra ny mpit-sara tamin'ny fampiatoana mpilalao telo be izao 10 minitra, izay nahazo karatra mavo nisesy avokoa no antony tsy netezan'ny Cosfa nianohy ny lalao intsony. Efa nitarika an'isa ny Cosfa Miaramila tamin'io nijanonan'ny lalao io. Fenô hipoka aloha ny kianja Makis Andohatopenaka tamin'io alahady io, satria efa elaela izay tsy nisian'ny lalao rugby ôfisialy izay. Ireo vokadalo rehetra tamin'ity fotoam-panokafana ity : XV Avenir 29 – 27 Makis U 20 B, Us Ikopa 12 - 48 Makis U 20 A, Tam Anosibe 37 - 28 Scb Besarety (Match Test), Cosfa Miaramila vs Ftm Manjakaray (Super Coupe).

Rainilita